



唐詩紀事卷第二十四

元傑

常迢

孟彥深

郭受

陶峴

張侔

王昌齡

周萬

包融

顏真卿

丁仙芝

李潛

韓滉

齊澣

顧朝陽

常建

元傑

元傑有須陽果業寺開東嶺洞谷銘并序云陰陽精氣結為山嶽者則為勝為異為興為闕故萬嶺交峙而高華辯其方群嶽敷露而瀛壺拔其類是知仙居靈宅其必有黨乎鳴絃之北趾果業之東阜高不百仞廣纔千



原件短缺

畝層巖石室幽谷靈洞殊景異觀秀絕奇偉雖瀑流之
下鑪峯懸蹇之躋丹嶠路遠莫覲餘不知其倫擬焉按
寺記云昔有方士于是山鍊金變形羽服登仙改石座
丹竈至今存焉觀其東嶺削成石瑩如玉岡巒峭竦巖
壁重複捫藟而升如造雲根縹緲嬋娟似霞衣可攀真
氣勝而塵累捐五蓋破而清機閑蕩然放懷如羽翼之
已生赤城之可接噫境變志遷若符契之協從也下臨
長川澄波吐瀾煙霞夕收飛鳥不喧杳澗逶迤流注無
間西直巨壑連嶂如屏林靄朝翠巖光晝清滌蕩藏輝
杉松下冥虛豁寂寥涵風有聲綠嶺未極劃開洞門黛
眺遙江兮入青靄世道紛綸兮何足謂朝為榮華兮夕
顛頽不如幽谷兮閔仙經冀接浮丘兮整煙轡我窺丹
竈兮坐山腹衆峯參差兮隱雲族鑿仙嶺兮望瑤臺朝
霞照海兮錦綺開信赤松之所升降王喬之所往來道
或用晦兮靈物斯潛殷道未昌兮說築傳巖紛予感此
兮勒銘雲根山既不朽兮與名長存

常迢

杜子美在長沙送常員外迢牧韶州詩云炎海韶州牧
風流漢署即分符先令望同舍有輝光白首多年疾秋
天昨夜涼洞庭無過鴈書疏莫相忘迢留別杜員外院

長詩云江畔長沙驛相逢纜客舡大名詩獨步小郎海
西偏地濕愁飛鵬天炎畏點感去留俱失意把臂共潛
然

迢早發湘潭寄子美云北風昨夜雨江上早來涼楚岫
千峯翠湘潭一葉黃故人湖外客白首尚為郎相憶無
南鴈何時有報章子美酬云養拙江湖外朝廷記憶疎
深慙長者轍重得故人書白髮絲難理新詩錦不如雖
無南鴈過看取北來魚

子美後送魏司直掌選嶺南兼寄迢云故人湖外少春
日嶺南長憑報韶州牧新詩昨寄將

孟彥深

字士源天寶末為武昌令元次山居武昌之樊山新春
大雪彥深以詩問之曰江山十日雪雪深江霧濃起來
望樊山但見群玉峯林鷲却不語野獸翻有蹤山中應
大寒短褐何以安皓氣凝書帳清着釣魚竿懷君欲進
謁溪滑渡舟難次山酬云積雪閉山路有人到庭前云
是孟武昌令獻苦雪篇長吟未及終不覺為悽然古之
賢達者與世竟何異不能救時患諷論以全意知公惜
春物豈非愛時和知公苦陰雪傷彼災患多姦凶正驅
馳不合問君子林鷲與野獸無乃怨如此兵興向九歲

稼穡誰能憂何時不發卒何日不殺牛耕者日已少耕
牛日已希皇天復何忍更又思斃之自經危亂來觸物
堪傷嘆見君問何意只益宵中亂山禽饑不飛山木凍
皆折懸泉化為冰寒爐近不熱出門望天地天地皆昏
昏時見雙峯下雪中主白雲

次山又有雪中懷孟武昌云冬來三度雪農者歡歲稔
我麥根已濡各得在谷廩天寒未能起孺子驚人寢云
有山客來籃中見冬草生木燒柴為溫酒煮鱖為作潘
尺甚支客亦愛栢樽思君共栢飲所嗟山路閑時節寒
美汁又甚不能苦相邀興盡方就枕次山作退谷銘曰干進

之客不得遊之作栢湖銘曰為人厭者勿泛焉乃曰孟
士源嘗黜官無情干進在武昌不為人厭可遊退谷可
泛栢湖故有招孟武昌詩云武昌不仕進武昌人不厭
退谷正可遊栢湖任來泛湖上有水鳥見人不飛鳴谷
中有山獸往往隨人行莫將車馬來令我鳥獸驚

彥深登天寶二年第

郭受

受寄子美詩云新詩海內流傳久舊德朝中屬望勞郡
邑地卑饒霧雨江湖天闊足風濤松醪酒熟傍看醉蓮
葉舟輕自學操春興不知凡幾首衡陽紙價頓能高

陽衡

出五家紙又子美酬郭十五判官云才微歲老尚虛名
卧病江湖春復生藥果關心詩摠廢花枝照眼句還成
只同燕石能星隕自得隋珠覺夜明橋口橘洲風浪促
繫帆何惜片時程

受大曆間衡陽判官也

陶峴

峴彭澤之孫也開元末家崑山泛遊江湖自制三舟與
孟彥深孟雲卿焦遂共載吳越之士號為水仙省親南
海獲崑崙奴名摩訶善遊水至西塞山下泊舟吉祥佛
舍見江水深黑謂必有怪物投劍命摩訶下取久之支
體磔裂浮於水上峴流涕迴棹賦詩自叙不復遊江湖
矣詩云匡廬舊業是誰主吳越新居安此生白髮數莖
歸未得青山一箇計還成鴉翻楓葉夕陽動鷺立蘆花
秋水明從此捨舟何所詣酒旗歌扇正相迎

張儻

辭房相公云秋風颯颯雨霏霏愁絕恓惶一布衣辭君
且作隨陽鴈海內無家何處歸

王昌齡

昌齡字少伯江寧人中第補校書郎又中博學宏辭科
遷汜水尉不獲細行還鄉里因世亂為刺史問立曉所

殺工詩縝而思清時謂王江寧

獨遊詩云林卧情自閑獨遊景常晏時從灞陵下垂釣
往南澗手携雙鯉魚目送千里鴈悟彼飛有適知此罹
憂患放之清冷泉因得省踈慢永懷青岑客迴首白雲
間神超物無違豈繫名與宦

齋心詩云女蘿覆石壁溪水幽濛籠紫萼蔓黃花娟娟
寒露中朝飲花上露夜卧松下風雲英化為水光彩與
我同日月蕩精魄寥寥天府空

塗篔引云瀘谿郡南夜泊舟夜聞南岸羗戎謳其時月
黑猿啾啾微雨霑衣令人愁有一遷客登高樓不言不

寐彈篔篔彈作薊門桑葉秋風沙颯颯青塚頭將軍鐵
騶汗血流深入匈奴戰未休黃旗一點兵馬收亂殺胡
人積如丘瘡病驅來配邊州仍披漠北羊羔裘顏色饑
枯掩面羞眼眶滴淚深兩眸還思本鄉食糲牛欲語不
得指咽喉或有強壯能咿嚶意說被他邊將讐五世屬
蕃漢主留碧毛氊帳河曲遊縶駝五萬部落稠勅賜飛
鳳金兜鍪為君百戰如過籌靜掃陰山無鳥投家藏鐵
券特承優黃金千斤不稱求九族分離作楚囚深谿寂
寞絃苦幽草木悲感聲颼颼僕本山東為國憂明光殿
前論九疇簾讀兵書盡冥搜為君掌上施權謀洞曉山

唐詩集卷二十四
川無與儔紫宸發詔遠懷柔搖筆飛箱如奪鉤鬼神不
得知其由憐愛蒼生比蚍蜉緣河屯兵須漸抽盡遣降
來拜御溝便令海內休戈矛何用班超定遠侯史臣書
之得已不

長信秋云金井梧桐秋葉黃珠簾不捲夜來霜熏籠玉
枕無顏色卧聽南宮清漏長又奉帚平明金殿開且將
團扇共徘徊玉顏不及寒鴉色猶帶昭陽日影來

西宮秋怨云芙蓉不及美人粧水殿風來珠翠香誰分
含啼掩秋扇空懸明月待君王帶一作情

西宮春怨云西宮夜靜百花香欲掩珠簾春恨長斜抱

雲和深見月朦朧樹色隱朝陽

青樓怨云香幃風動花入樓高調鳴箏緩夜愁腸斷關
山不解說依依殘月下簾鉤

送李灌遊江東詩云清洛日夜漲微風引孤舟離觴便
千里遠夢生江樓楚國橙橘暗吳門煙雨愁東南具今
古歸望山雲秋

商璠云元嘉已還四百年內曹劉陸謝風骨頓盡今昌
齡克嗣厥跡如明堂坐天子月朔朝諸侯清樂動千門
皇風被九州慶雲從東出泱泱抱日流又獨飲霸上亭
寒山青門外長雲驟落日東來寂已晦又蒼荻寒滄江

石頭岸邊飲又長亭酒未耐千里風動地又京門望西
岳百里見郊樹飛雨祠下來靄然關中暮又奸雄乃得
志遂使群心搖赤風蕩中原烈火無遺巢一人計不用
萬里空蕭條又百泉勢相蕩巨石皆却立昏為蛟龍怒
青見雲雨入又去時三十萬獨自還長安不信沙場苦
君看刀箭瘢又雲起太華山互明滅東風始含景
了了見松雪又櫛栴無冬春柯葉連峯稠險壁下蒼黑
煙含清江樓疊沙積為崗崩剝雨露幽石脉盡橫亘潛
潭何時流斯並驚耳駭目畧舉共十數句中興高作可
知矣予嘗觀昌齡齋心詩弔軹道賦謂其人孤潔恬澹

與物無傷晚節謗議沸騰言行相背及淪落竄謫竟未
減才名固知善毀者不能掩西施之美也

放歌行云南渡洛陽津西望十二樓明堂坐天子月朔
朝諸侯清樂動千門皇風被九州慶雲從東來泱泱抱
日流昇平論貴道文墨將何求有詔徵草澤微誠將獻
謀冠冕如星羅拜揖曾與周望塵非吾事入賦且遲留
幸蒙國士識因脫負薪裘今者放歌行以慰梁甫愁但
榮數斗祿奉養每豐羞願得金膏遂飛雲亦可籌代扶
風主人答云斂氣疑不流風悲日彩寒浮塵起四遠遊
子彌不歡依然宿扶風沽酒聊自寬寸心亦未理長鋏

誰能彈主人就我飲對我還慨然便泣數行淚因歌行
路難十五後邊城三迴討樓蘭連年不解甲積日無所
養將軍降匈奴國士沒桑軋去時三十萬獨自還長安
不信沙場苦君看刀箭廢鄉親悉零落塚墓亦摧殘仰
攀青松枝慟哭傷心肝禽獸悲不去路旁誰忍看幸逢
休明代寰宇靜波瀾老馬思伏櫪長鳴力已殫少年與
君會何事發悲端天子初封禪賢良刷羽翰三邊悉如
此否泰亦須觀

鄭縣宿陶太公館中贈馮六元二云儒有輕侯王脫畧
當世譽本家藍溪下非為漁弋故無何困躬耕且欲馳

永路幽居與君近出谷同所務昨日辭石門五年變秋
露雲龍未相感干謁亦以屢子為黃綬羈予忝蓬山顧
京門望西岳百里見郊樹飛雨祠上來靄然關中暮馳
車鄭城宿秉燭論往素山月出華陰開此河渚霧清光
比故人豁達展心晤馮公尚戢翼元子仍跼步拂衣易
為高淪跡難有趣張范善終始吾等豈不慕罷酒當涼
風屈伸備冥數

小敷谷龍潭祠作詩云崖谷橫疾流地中有雷集百泉
勢相蕩巨石皆却立跳波沸崢嶸昏清不可挹昏為蛟
龍怒清見雲雨入靈怪崇偏祠廢興自茲邑沈滯頃多

唐詩卷二十四
昧管宇遂不葺吾聞被明典盛德惟世及生人載山川
血食報原隰豈伊駭微險將以循毗揖奔飛振呂梁忠
信亦我習波流侵已廣悔吝在所汲溪水有清源塞裳
靡沾濕

過華陰詩云雲起太華山雲山互明滅東峯始含景了
了見松雪羈人感幽悽窅映轉竒絕欣然忘所疲永望
吟不輟信宿百里餘出關翫新月何意昨來心過物遂
遷別人生屢如此何以肆愉悅

出柳山口至壘石灣野人室中寄張十一詩云楮枿無
冬春柯葉連峯稠陰壁下蒼黑煙含清江樓景開獨泐

戈嚮答隨興酬旦夕望吾友如何迂孤舟壘沙積為崗
崩剝雨露幽石脉盡橫亘潛潭何時流既見萬古色頗
盡一物由水與世人遠氣還草木收盈縮理無餘今往
何必憂柳土群山高耆老如中州孰云議外降豈是娛
宦遊陰火昔所服丹砂將爾謀昨臨蘇耽井復向衡陽
求同痾求相依脫身當有籌數月仍離居風湍成阻修
野人善竹器童子能溪謳寒月波蕩漾羈鴻去悠悠

一作
問痾

九江口作詩云潯潯江勢闊兩開潯陽秋驛門是高岸
望盡黃蘆洲水與五溪合心期萬里遊明時無棄才謫

去隨孤舟鷺鳥立寒木丈夫佩吳鉤何當報君恩却繫
風霜頭

從軍行二首云向夕臨大荒朔風軫歸慮平沙萬里餘
飛鳥宿何處虜騎獵長原翩翩傍河去邊聲搖白草海
氣生黃霧百戰起風塵十年履霜露雖投定遠筆未坐
將軍樹早知行路難悔不理章句又秋風馬蹄輕角弓
持絃急去為龍城戰正值胡兵襲軍氣橫大荒戰酣日
將入長風金鼓動白露鐵衣濕四起愁邊聲南庭特許
立斷蓬孤自轉寒鷹飛相及萬里雲沙漲平原冰霰濛
濛推聞漢州遙獨向刀環泣

周萬

送沈芳謁李觀察求仕進詩云往日長安路歡遊不惜
年為貪盧女曲用盡沈郎錢身老方投刺途窮始着鞭
猶聞有知己去去不徒然

萬開元末登第

包融

送國子張主簿詩云潮岸纜初解鷺啼別離處遙見舟
中人時時一回顧坐悲芳歲晚花落清軒樹春夢隨我
心搖揚逐君去

融潤州延陵人歷大理司直二子何佶齊名世稱二包

唐詩紀事卷三十四
孟浩然宴包二融宅詩云閑居枕清洛左右接大野門
庭無雜賓車轍多長者是時方盛夏風物自瀟洒五日
休沐歸相携竹林下開襟成懽趣對酌不能罷煙暝栖
鳥還余將歸白社

顏真卿

吳門有清遠道士同沈恭子遊虎丘詩其辭自商周歷
近代抑二千年来矣鬼神耶隱士耶莫能測也而辭藻
健俊魯公愛之刻於巖際并有所作衛公又次而和之
清遠道士詩云我本長殷周遭罹歷秦漢四瀆與五岳
名山盡幽竄及此寰區中始有近峯翫近峯何鬱鬱平

湖眇瀰漫吟挽川之陰步上山之岸山川共澄澈光
交凌亂白雲湔欲歸青松忽消半客去川島靜人來山
鳥散谷深中見日崖幽曉非旦聞子盛遊遨風流足詞
翰嘉茲好松石一言常累歎勿謂余鬼神忻君共幽讚
魯公詩云不到東西寺于今五十春竭來從舊賞林壑
究相親吳子多藏日秦皇厭聖辰劍池穿萬仞盤石坐
千人金氣騰為虎琴臺化若神登壇仰生一捨宅歎珣
珉中嶺分雙樹迴巒絕四鄰窺臨江海接崇飭四時新
客有神仙者於茲雅麗陳名高清遠峽文聚斗牛津跡
異心寧間聲同質豈均悠然千載後知我揖光塵衛公

詩云茂苑有靈峯嗟余未遊觀藏山在平陸壞谷為高
岸岡繞數仞墻巖潛千丈幹乃知造化意迴幹資竒翫
鏐騰昔虎踞劔沒嘗龍煥潭黛入海底崆峒峯聳霄半層
巒未升日哀狄寧知且綠篠夏疑陰碧林秋不換冥搜
既窈窕迥望何蕭散川曉嵐氣收江春雜英亂逸人綴
清藻前哲留篇翰共扣哀玉音皆舒文繡段難追彥回
賞緒彥回見凡人所稱常過徒起興公歎一夕如再升
含毫星斗爛

真卿與耿漳水亭詠風聯句有度琴方解愠臨水已迎
秋之句

丁仙芝

長寧公主舊山池詩云平陽舊池館寂寞使人愁
黃流簟簾垂白玉鈎庭閑花自落門閉水空流追想吹
簫處應隨仙騎遊

越裳貢白雉云聖哲承休運伊臯列上台覃恩丹徼遠
入貢素輦來北闕欣初見南枝願未迴斂容殘雪靜矯
翼片霜開馴擾將無懼翻飛幸不猜甘從上林裏飲啄
自徘徊

李清

詠石季倫云金谷繁華石季倫只能謀富不謀身當時

縱與綠珠去猶有無窮歌舞人
清登天寶十二年進士第

韓滂

晦日呈諸判官云晦日新晴春日嬌
萬家攀折度長橋
年年老向江城寺不覺春風換柳條
聽樂悵然自述云萬事傷心對管絃
一身含淚向春煙
黃金用盡教歌舞留與他人樂少年

滂字太冲貞元初加同平章事江淮轉運使二年封晉國公初有美名所與游皆天下豪俊其詩與孟浩然酬唱云

齊澣

長門怨云營營孤思逼寂寂長門夜妾妬亦知非君恩
那不惜携琴就玉堦調悲心未諧將心寄明月流影入君懷

澣字洗心定州人開元間與蘇晉蘇頲賈曾韓休許景先孫逖典詔誥為代言取杜暹當國表宋璟為吏部尚書澣及蘇晉為侍郎世謂臺選掌稱陳希烈苗晉卿之才後皆大顯

顧朝陽

昭君怨云莫將鈿粉匣不用鏡花光一去邊城路何情

更畫粧影銷胡地月衣盡漢宮香妾死非關命都緣怨
斷腸

朝陽開元間詩人

韋建

泊舟盱眙云維舟淮水次霜降夕流清夜久潮侵岸天
寒月近城平沙依鴈宿候館聽雞鳴鄉國雲霄外誰堪
羈旅情

建與蕭穎士最善

唐詩紀事卷第二十四

唐詩紀事卷第二十五

徐安身

崔惠童

崔敏童

劉晏

劉灣

薛據

劉脊虛

張巡

張繼

張謂

梁肅

柳渾

孟雲卿

徐安身

畫襄陽圖云畫得襄陽郡依然見昔遊峴山思駐馬漢
水憶回舟丹壑常含霽青林不換秋圖書空咫尺千里
意悠悠

安身始名楚璧應制舉三登甲科開元中為中書舍人

集賢學士帝屬文多令視草終中書侍郎在中書省久
李林甫用事或言計議多所參助云或云安身天寶後
以林甫之故避罪衡山岳寺李北海遊岳識之因戲曰
峴山思駐馬漢水憶回舟暮雨衣猶濕春風帆正開抑
能記否因同載北歸至長沙謂守者曰瀟湘逢故人若
幽谷之覩太陽不然委填巖穴矣

崔惠童

宴城東庄云一月人生笑幾回相逢相識且啣盃眼看
春色如流水今日飛花昨日開

尚明皇晉國公主

崔敏童

宴城東庄云一年始有一年春百歲曾無百歲人能向
花中幾回醉十千沾酒莫辭頻

劉晏

明皇御勤政樓大張樂羅列百技時教坊有王大娘者
戴百尺竿竿上施木山狀瀛州方丈令小兒持絳節出
入於其間歌舞不輟時劉晏以神童為秘書正字方十
歲帝召之貴妃置之膝上為施粉黛與之中櫛帝問晏
汝為正字正得幾字晏曰天下字皆正惟朋字未正得
貴妃復令詠王大娘戴竿晏應聲曰樓前百戲競爭新

唯自長竿妙入神誰謂綺羅翻有力猶自嫌輕更着人
因命牙笏及黃紋袍賜之

晏八歲獻頌泰山行在帝命張說試之說曰國瑞也即
授太子正字公卿邀請旁午號神童吳字士安

劉灣

字靈源彭城人天寶進士天寶之亂以侍御史居衡陽
元結送王契佐卿入蜀序曰與佐卿去者有清河崔異
與次山住者有彭城劉灣相醉相留幾日江畔

出塞曲云將軍在重圍音信絕不通羽書如流星飛入
井泉宮倚是并州兒少年心膽雄一朝隨召募百戰事

王公去年桑乾北今年桑乾東死是征人死功是將軍
功汗馬敗秋月疲人卧霜風仍聞左賢王更欲圍雲中
即席賦露中菊云衆芳春競發寒菊露偏滋受氣何曾
異開花獨自遲晚成猶有分欲採未過時勿棄東籬下
看隨秋草衰

元次山作劉侍御月夜讌會序云兵興以來十一年矣
獲與同人懽醉達旦歌詠取適無一二焉乙巳歲彭城
劉靈源在衡陽逢故人或不在者日夕相會第寬遠遊
始與諸公待月而笑語竟與諸公愛月而懽醉詠歌夜
夕賦詩言懷於戲文章道喪蓋亦久矣時之作者煩雜

過多歌兒舞女且相喜愛系之風雅誰道是耶諸公嘗
欲變時俗之淫靡為後生之規範今夕豈不能道達情
性成一時之美乎次山詩曰我從蒼梧來將耕舊山田
踟躕為故人且復停歸舫日夕得相從轉覺和樂全愚
愛涼風來明月正滿天河漢望不見幾星猶燦然中夜
興欲酣改坐臨清川未醉恐天旦更歌促繁絃懽娛不
可逢請君莫言旋

薛據

出青門往南山下別業云舊居在南山夙駕自城闕
榛莽相蔽虜去爾漸起忽散漫餘雪晴蒼茫季冬月寒風
吹長林白日原上沒懷抱曠莫伸相知阻胡越弱年好
棲隱鍊藥在巖窟及此離垢氛興來亦因物末路期赤
松斯言庶不伐

西陵口觀海云浙江漫漫近海勢彌廣在昔胚脾疑
融為百川長地形失端倪天色潛滉瀆東南際萬里極
目遠無象山影乍浮沉潮波忽來往孤帆或不見棹歌
猶嚮像日暮長風起客心空振蕩浦口霞未收潭心月
初上林嶼幾遭迴亭臯時偃仰歲晏訪蓬瀛真遊非外
獎

據與王摩詰杜子美最善子美有喜薛三據授司議郎

詩云文章開突與遷擢潤朝廷又有寄薛三郎中詩云
與子俱白頭役役常苦辛雖為尚書郎不及村野人天
未厭戎馬我輩本常貧子尚客荊州我亦滯江濱聞子
心甚壯所過信席珍賦詩賓客間揮洒動八垠乃知蓋
代手才力老益神其畧如此

據自永樂主簿陟縣丞復選宰涉劉長卿贈詩云樓鸞
往已屈馴翟今可嗣此道如不移雲霄坐應致縣前漳
水綠郭外晉山翠日得謝客遊時堪陶令醉高適淇上
寄據云故交負靈竒逸氣包蹇諤陰軫經濟具縱橫建
安作

據開元中自恃才名於吏部參選請受萬年錄事諸流
外官共見執政訐之曰赤縣錄事清要官今被進士奪
去其等色人無措手足矣遂罷

商璠云據為人骨鯁兼有氣魄其文亦不自傷不卑不
達故著古興詩云投珠恐見疑抱玉但垂泣道在君不
舉功成歎何及怨憤頗深至如寒風吹長林白日原上
沒又窮冬時晷短日盡西南天可謂曠代之佳句也

據河中寶鼎人中書舍人文思曾孫父元暉什邡令開
元天寶間據與弟播摠相繼登科終禮部侍郎

省署開文苑滄浪學釣翁據之詩也子美懷據詩乃云

獨當省署開文苑兼泛滄浪學釣翁

據古興云日中望雙闕軒蓋揚飛塵鳴珮初罷朝自言
皆近臣光華滿道路意氣安可親歸來宴高堂廣筵羅
八珍僕妾盡錦綺歌舞夜達晨四時自相代誰能分要
津已者覆前車來見改後輪丈夫須兼濟豈得樂一身
君今皆得志肯顧憔悴人

初去郡書情云肅徒辭汝穎懷古獨悽然尚想文王化
猶思巢父賢時移多諛巧大道竟誰傳况是疾風起悠
悠旌旆懸征鳥無返翼歸流不停川已經霜露下乃驗
松栢堅回首望城邑迢迢間雲煙志士不傷物小人皆

自妍感時唯責已在道非怨天從此適樂土東歸知幾
年

劉沓虛

去年上策不見收今年寄食仍淹留羨君有酒能共醉
羨君無錢能不憂如今五侯不待客羨君不問五侯宅
如今七貴方自尊羨君不過七貴門丈夫會應有知己
世上悠悠何足論

贈喬林

青冥南山色君與緇錫鄰深路入古寺亂花隨暮春紛
紛對寂寞往往落衣巾松色空照水經聲時有人晚心
復南望山遠情獨親應以脩往業亦唯立此身深林度

空夜煙月資清真莫歎文明日彌年從隱淪

贈閻防

九日送人云海正搖落客中還別離同舟去未已遠
送新相知流水意何極滿尊徒爾為從來菊花節早已
醉東籬

江南曲云美人何蕩漾湖上風日長玉手欲有贈徘徊
雙鳴璫唱歌隨綠水怨色起春陽日暮還家望煙雲橫
洞房

登廬山峰頂寺云孤峯留萬象秋氣何高晴天際南郡
出林端四湖明山門二緇叟振錫聞幽聲心照有無界
業懸前後生徒知真機靜尚與愛網并方首金門路未

遑參道情

暮秋楊子江寄孟浩然云木葉紛紛下東南日煙霜
林相曉暮天海深青蒼暝色空復久秋聲亦何長孤舟
兼明月獨夜仍越鄉寒笛對京口故人在襄陽詠思勞
今夕江漢遙相望

海上云何處歸且遠送君東悠悠滄溟千萬里日夜一
孤舟曠望絕國所微茫天際愁有時近仙境不定若夢
遊或見青色石孤山百丈秋前心方杳眇此路勞夷猶
離別惜吾道風波竟遑休春浮花氣速思逐海水流日
暮離歌後永懷空滄洲

鄭處誨明皇雜錄云天寶末劉希夷王泠然王昌齡祖
詠張若虛張子容孟浩然常建李白劉昶盧崔曙杜甫
雖有文章盛名皆流落不偶

商璠云慎虛詩情幽興遠思苦語竒忽有所得便驚衆
聽頃東南高唱者十數人然聲律婉然無出其右雖氣
骨不逮諸公自永明以來可傑立江表至如松色空照
水經聲時有人又滄溟千萬里日夜一孤舟道自白雲
靜春與清溪長時有落花至遠隨流水香開門向溪路
深柳讀書堂幽暎每日落清輝照衣裳並方外之言也
惜其不永天年隕碎國寶

王昌齡宿京江口期昝虛不至詩云霜天越長望殘月
生海門風靜夜潮滿城高寒氣昏故人何寂寞久已乖
清言明發不能寐徒盈江上罇又送昝虛歸取宏詞解
云天清聞海鶴遊子引鄉舄聲隨羽儀遠勢與歸雲便
青桂春再榮白雲暮來變遷飛在禮儀豈復浹如霰
孟浩然九日於龍沙寄劉大昝虛云龍沙豫章北九日
挂帆過風俗因時見湖山發興多客中誰送酒棹裏自
成歌歌竟乘流去滔滔任夕波

張巡

守睢陽日嘗賦詩曰接戰春來苦孤城日漸危合圍倂

月暈分陣效魚麗屢厭黃塵起時將白羽揮裹瘡猶出
戰飲血更登陴忠信應難敵堅貞自不移無人報天子
心計欲何施

又夜聞笛云岩堯試一臨虜騎俯城陰不辨風塵色安
知天地心營開星月近戰苦陣雲深旦夕更樓上遙聞
橫笛吟

巡謝金吾將軍表曰相我眉之碧峯豫遊西蜀追綠耳
於玄圃保壽南山逆賊祿山殺戮黎獻羶羶闕庭臣被
圍四十七日凡一千八百餘戰主辱臣死當臣效命之
時惡稔罪盈是賊滅亡之日

巡祭纛文曰太乙先鋒蚩尤後殿蒼龍持弓白虎捧箭
祭城隍云背井鳩翔危堞龍攫皆文武雄健志氣不衰
真忠烈士也

巡字巡鄧州人博通群書為文章不立彙以忠義死睢
陽

張繼

閭門即事云耕夫占募逐樓舡春草青青萬頃田試上
吳門看郡郭清明幾處有新煙

清明日西午橋至氏叢村有懷云晚霽龍門雨春生汝
穴風鳥啼官路靜花發毀垣空鳴玉慚時輩垂絲學老

翁舊遊人不見惆悵洛城東

洛陽作云洛陽天子縣金谷石崇鄉阜色侵官道花枝
出苑牆書成休逐客賦罷遂為郎貧賤非吾事西遊思
自強

春夜皇甫冉宅對酒云流落時相見悲歡共此情興因
罇酒洽愁為故人輕暗滴花垂露斜輝月過城那知橫
吹曲江外作邊聲

安公房問法云流年一日復一日世事何時是了時試
向東林問禪伯遣將心地學琉璃

高仲武云張繼員外累代詞伯積襲弓箕其於為文不
雕不飾及爾登第秀發當時詩體清迥有道者風如女
停襄邑杼農廢汶陽耕使者乘軒去諸侯擁節迎火燎
原猶熱波搖海未平比興深矣

繼字懿孫襄州人登天寶進士第大曆末檢校祠部員
外郎分掌財賦於洪州送郝紹克河南租庸判官云齊
魯傷心地頻年此用兵女停襄邑杼農廢汶陽耕使者
乘輅去諸侯擁節迎深仁佐君子薄賦郵黎氓火燎原
猶熱波搖海未平應將否泰理一問魯諸生感懷云調
與詩人背心將靜者論經年帝城裡不識五侯門
伉儷歿於洪州劉長卿哭張員外云白簡曾連拜滄洲

每共思撫存憐穉歎逝顧身衰一自辭張劭何由見
戴逵獨聞山吏部流涕訪孤兒

楓橋夜泊云月落烏啼霜滿天江楓漁火對愁眠姑蘇
城外寒山寺夜半鐘聲到客舫

以為語
病非也

此地有夜半鐘聲謂之無
常鐘鐘聲其果耳故陽

張謂

負薪老翁住北州北望鄉關生客愁自言老翁有三子
兩人已向黃沙死如今小男新長成明年聞道更徵兵
定知此別必零落不及相隨同死生盡將田宅借鄰伍
且復伶俜去鄉土在生本求多子孫及有誰知更苦辛

近傳天子尊武臣強兵直欲靜胡塵安邊自合有長策

何必流離中國人

代北州
老翁答

送盧舉使河源詩云故人行後向邊州疋馬今朝不少
留長路關山何日盡滿堂絲管為君愁

同諸公遊雲公禪院云共許尋鷄足誰能惜馬蹄長空
淨雲雨斜日半虹蜺簷下千峰轉窓前萬木低看花尋
逕遠聽鳥入林迷地與喧卑隔人將物我齊不知樵客
意何事武陵溪

送青龍一公云事佛輕金印勤王度玉關不知從樹下
還許到人間楚水青蓮淨吳門白日閑聖朝須助治切

莫愛東山

哭護國上人云昔喜三身淨今悲萬劫長不應歸北斗
多是向西方舍利衆生得袈裟弟子將鼠行殘藥枕蟲
網舊繩床別起千花塔空留一草堂支公何處在神理
竟茫茫

麓山精舍送莫侍御歸寧云何處堪留客香林隱翠微
薜蘿通驛騎松竹掛朝衣霜引臺烏集風驚塔鴈飛飲
茶勝飲酒聊以送將歸

乾元中謂以尚書郎出使夏口沔州牧杜公觴于江城
南湖謂命李白探之嘉名白目為郎官湖云

謂同王徵君湘中有懷云八月洞庭秋瀟湘水北流還
家萬里夢為客五更愁不用開書袞偏宜上酒樓故人
京洛客何日復同遊

玉清公主挽歌云學鳳年猶少乘龍日尚賒幼封千戶
邑忽駕五雲車地接金人岸山通玉女家秋風何太早
吹落禁園花

代宗
之女

謂登天寶二年進士第奉使長沙作長沙風土記云巨
唐八葉元聖六載正言待罪湘東

商璠云謂代北州老翁荅及湖中對酒行並在物情之
外衆人未曾說耳亦何必歷遐遠探古跡然後始為冥

搜謂湖中對酒行云夜坐不厭湖上月晝遊不厭湖上
山眼前一罇又長滿心中萬事如等閒主人有黍百餘
石濁醪數斗應不惜即今相對不盡歡別後相思復何
益茱萸灣頭歸路賒願君且宿黃翁家風光若此人不
醉參差辜負東園花

謂大曆間為禮部侍郎典七年八年九年貢舉

梁肅

肅字欽之世居陸渾蕭復杜佑交薦辟終右補闕崔恭
序其文以肅文雖多而無適時之用故以皇甫士安比
之

肅贊四皓云秦失其鹿豪傑並逐鸞鳳何依白雲深谷
英英南山采采紫芝漢以劍起吾誰與歸栖心化元澹
泊無為禮物雖至先生默而惟彼身名確不可轉儲皇
不安我德用顯大君是驚惠位是寧四公屈身天下和
平弋者何思鴻飛冥冥

柳渾

貞元中牡丹多渾詩云近來無柰牡丹何數十千錢買
一窠今朝始得分明見也共戎葵不校多

見酉陽雜俎

孟雲卿

渾字夷曠不樂拘檢為貞元宰相

宋郊詩云徘徊宋郊上不見平生親獨立正傷心悲風
來孟津大方載群物生死有常倫虎豹不相食哀哉人
食人豈知逢世運天道亮云云

又云太虛流素月三五何皎明光耀侵白日賢愚迷至
精四時更變化天道有虧盈常恐今已沒須臾復更生
雲卿河南人元次山送孟檢書往南海云雲卿與次山
同州里以辭學相友少次山六七歲聲名滿天下知己
在朝廷及次山之年何事不可勿愛羅浮往而不歸也
雲卿鄴城懷古云朝發淇水南將尋北燕路魏家舊城
闕寥落無人住伊昔天地屯曹公獨中據群臣將北面

白日忽西暮三臺竟宋家萬世難長固雄豪安在哉衰
草露霜露崔魏長河北尚見應劉墓古樹藏龍蛇荒茅
伏狐兔永懷故池館數子連章句逸興驅山河雄辭變
雲霧我行覩遺跡精爽如相遇斗酒將醉君悲風白楊
樹

古挽歌云草草間巷喧塗車儼成位冥寂何所須盡我
主人意此去路非遠此別終天地臨穴頻撫棺至哀反
無淚爾形未衰老爾息猶童稚骨肉安可離皇天苦容
易房帳即虛張庭宇為哀吹薤露歌若斯人生盡如寄
別離曲云結髮生別離相思復相保何知日已久五變

庭中草渺渺天海途悠悠吳江島但懼不出門出門無
遠道遠道行既難家貧衣服單嚴風吹積雪晨起鼻辛
酸人生各有戀豈不懷爾安分明天上日生死誓同觀
傷懷疇故友詩云稍稍晨鷄翔淅淅草上霜人生早艱
苦壽命恐不長二十學已成三十名不彰豈無同門友
貴賤易中腸驅馬行萬里悠悠過帝鄉幸因絃歌未得
上君子堂衆樂互喧奏獨餘備笙簧坐中無知音安得
神洋洋願因高風起上感白日光

古離別云朝日上高臺離人怨秋草但見萬里天不見
萬里道君行本遙遠苦樂試難保宿昔夢同衾心憂夢

顛倒含酸欲謝訴轉轉傷懷抱白髮年已深征行去何
早寒暄有時謝憔悴難并好人皆算年壽死者何曾老
少壯無會期水深風浩浩

高仲武云孟君詩祖述沈千運賊中十首又漁獵陳拾
遺詞氣傷苦怨者之流如虎豹不相食哀哉人食人方
於七哀路有饑婦人抱子棄草間則雲卿深矣雖校之
於陳沈纔能升堂猶未入室然當今古調無出其右者
一時之英也余感君平生好古著格律門論及譜三篇
以攝其體統

雲卿與杜子美元次山最善

群物歸大化六龍頽西荒感懷安知浮雲外日月不運
行苦雨孤兒去慈親孤客喪主人苦吟苦辛曲此曲誰
忍聞可聞不可說去去無期別行人念前程不待參辰
沒朝亦常苦饑暮亦常苦饑飄飄萬里餘貧賤多是非
少年沒遠行遠行多不歸悲哉右張為取作主客圖以
雲卿為萬古與逸主

唐詩紀事卷第二十五

